

海。自发源至比,凡三千五百里。

正身河 城东五百里,源出老岭。

吉林物产

宝藏类

金 《契丹国志》:“女直土产,有金银。”今三姓、敦化皆产金,而三姓苗尤旺,现拟设厂开采。

东珠 出三姓东北混同、牡丹等江及海汉中,乌拉总管衙门专司捕采东珠。珠生于蚌蛤中,大者如酸枣,小亦如菽,采珠者岁以四月往,八月归,正月入贡。今以经费不充,停采。松花玉亦名松花石,出混同江边,玉色净绿,光润细腻,品埒端歛,可充硕材。

草 类

乌拉草 牲极暖,土人以此裹足,垫牛皮乌拉以御寒。

药 类

人参 诸山皆产,多生椴树之下,群草拱护。采参者夏初进山,霜后出山。省中设有官参局,岁时采取入贡。

禽 类

海东青 亦名海青,雕中最俊者,身小而捷,能擒天鹅。

兽 类

貂 诸山中多有之,惟三姓所产最佳,色黄,毛极洁润,咸贵重之。

学 校

八旗文庙、官义学、书院

……三姓城文庙在城东南隅,官学、义学各一。

光绪十八年二月

《奉使吉林日记》(节选)

[清]光绪六年(1880)·吴大澂撰

光绪六年六月十五日,至将军府,接三姓副都统长麟咨文,钞录俄国乌苏哩边界廓米萨尔照会称:贵副都统属界设卡,殊属有益,廓米萨尔将欲躬亲言谢,仍因本属商等遵照两国和约赴松江通商,去时贵副都统善视尔等,俾其不误通商,庶于我两国所属大有裨益等语。酉刻,将军来晤,商议松花江设立水关事宜。拟派缉庭观察会同协领德风占翼长前往办理。

十六日,拟设立水关奏稿,并致总署书。缉庭来晤。

十七日,接合肥师相书。为将军画纨扇,并临钟鼎文一方。

十八日,复合肥师相书。缉庭来晤。

十九日,接戴孝侯书,送将军阅之。午前,将军来晤,至观音堂拈香,并观演剧。午后回寓,复孝侯书,寄大兄书,复吴平斋丈书。戌刻,将军来晤。作家书,二十发,由津转寄。

二十日,缉庭来晤,商改咨调宋军奏稿初二日所拟。申刻至将军府,致王夔石侍郎书。缉庭明日赴三姓,夜饮后至永升店,送缉庭行。

廿一,上吴江相国书,上高阳尚书书,又上宝相国,景大司农二书,致运斋书。申刻,将军招饮。戌刻接运斋书、孝达书,即刻作复。

廿二日,为刘晴岚书扇两柄,书篆屏六幅、对四联。

廿三日,与将军都统至火神庙致祭。致将军府拜折,正折二件,片一件。读《林文忠政书》一册。

廿四日,《林文忠政书》一册,书篆屏四幅、对四联。接德凤占、顾缉庭来函,知伯力新到俄兵二千余名,并添设大炮二十四尊。前黑龙江将军丰汉文丰绅到吉新调绥远城将军。

廿五日,上合肥师相书,致王夔石侍郎书,致孝达书,致运斋书。午刻,诣将军府,恭诣万寿宫行礼。午刻,至将军府。行礼后入座听戏,酉刻,公请丰汉文将军。

廿七日,午刻,至将军府,恭祝万寿,行礼后入座听戏。申刻拜丰将军,送郭梯阶协戎赴琿春。致铜井书,寄三姓长都统转交。

廿八,读《林文忠政书》。题拓本。

廿九,题拓本。丰将军来,德远庵都护来。午后将军来晤,同至丰将军处送行。

三十日,丰将军启程入都,恭诣万寿宫,寄请圣安。是日辰刻奉到廿四日寄谕一道。曾沅浦宫保奉命督办奉天防务。刘连捷、郭宝昌、刘维桢各营及宋祝三一军,均归节制矣。

七月初一日,大雨竟日。读《林文忠政书》。

初二日,大雨竟日。上合肥师相书。诣将军府。

初三日,致戴孝侯书。祝鼎臣将军夫人寿,酉刻归。

初四日,上合肥师相书。午后将军招饮。寄天津信,排递。

初五日,复何铁生前辈信,复彭苟亭中丞信。将军来晤。

初六日,复潘伯寅师信,为将军书扇。

初七日,寅刻,接合肥师相复书,并戴孝侯信,接刘毅斋信四月十九日新疆喀什噶尔发。至将军府商拟折稿。午后拟折稿。致运斋书。

初八日,复合肥师相书,寄大兄书,奉到七月初一日寄谕一道。

初九日,上母亲禀函。寄张吉人书,致平斋丈书。附家信,寄津信,寄京信。

初十日,致王廉生书,致钟六英书,致柳河门书,致潘辛芝、汪葆田书。午后至将军府拜折。明日由水路至三姓,酉刻登舟。

十一日,辰初解缆,行一百五十余里,泊,地名冷棚,距舒兰河口尚有十余里也。读《惜抱轩尺牍》一册。

十二日,行二百四十里,泊,地名白土崖子,以陆路计之距冷棚一百八十里,吉省至此三百里矣。读《国朝先正事略》第一册。

十三日,行二百余里,泊,不知其地名,距伯都讷仅七十里耳。读《国朝先正事略》第二册。

十四日,巳刻,抵伯都讷城南门外,泊。富捷堂都护来晤。至都统府答富捷堂,请铁炮三尊带至三姓,以备各营操演之用。午后,正拟解缆,大风忽起,浪高数丈,各船颠簸几不能泊。至晚,风始定。致鼎臣将军书。读《国朝先正事略》第三册卷四。

十五日,风急仍不能行。午后,始解缆,行三十余里即泊,距新城陆路不过十二里耳。读《国朝先正事略》第三册卷五。

十六日,巳刻,行至三岔口。酉刻,泊蒙古之大孤屯,陆路距新城八十里耳,拟条陈洋务奏稿。

十七日,行二百数十里,泊,距土人云地名南北河,陆路距新城二百四十里,距双城堡八十里,距阿勒楚喀一百八十里。读《国朝先正事略》第四册。

十八日,申刻行至哈尔滨,戌刻泊北岸黑龙江界,距呼兰城三十五里。读《国朝先正事略》第四册。

十九日,未刻,过摆渡河口,即吉林驿站,借用北岸黑龙江地设立五站之渡口,南为色勒沃特库站,乃阿勒楚喀界。北为佛斯亨站,即黑龙江所属矣。戌刻,泊北岸黑龙江地,俗名呢尾子。改奏稿,并拟片稿。

二十日,风不利行,七十余里泊北岸黑龙江界,地名正宝河,读《国朝先正事略》第五册。

廿一日,行五十里至白杨木,即佛思亨站。又七十里至瓜拉,泊。瓜拉北为富拉浑站。接铭将军信,接刘晴岚、余恂卿信,接徐雨之信。复铭将军信。

廿二日,行四十里至南天门,又一百三十里至罗拉密,泊。复铭将军信,复刘晴岚、余恂卿信,复徐雨之信,致赵印潭信。

廿三日,行六十里至大古洞,二十里至小古洞,又三十五里至三姓。晤长润生都护。在三姓城南门内设立行馆。巳刻登岸,午后答长润都护,皐民、凤占同来,接家信。

廿四日,长润生都护来晤。改奏稿,自缮奏折二开。

廿五日,自缮奏折七开。申刻,润生都护招饮。

廿六日,拟奏片稿,自缮奏折七开,致铭将军书。

廿七日,辰刻,上母亲禀函,复大兄书,复三弟书,寄家书。巳刻拜发奏折。

致郑玉轩书,寄家书。与润生都护同赴巴彦通相度形势,为扎营之地。酉刻归。寄家书。

廿八日,接铭将军信,寄到《防海新论》一部。拜润生都护。午后,缉庭,风占来晤。

廿九日,观《防海新论》一册。

三十日,复铭将军信,致刘晴岚,余恂卿信,致郭阶信。观《防海新论》一册。

八月初一日,致铭将军信,复戴孝侯信,观《防海新论》。

初二日,长润生都护来晤,复郎亭信,上徐朗轩中丞书,午后访铜井,商制水雷法。

初三日,铜井来晤。复芝生母舅书,接家信二封,接顺之年伯书、辛芝同年书,汪保田书、刘芝田书、戴孝侯书、李勤伯书、何芝生书,接总署六百里夹板信。灯下复总署书。

初四日,自缮复总署书,申刻发。铜井来晤。

初五日,雨。复孝侯书,铜井来晤。

初六日,雨。致铭将军书,致刘晴岚、余恂卿书。接铭将军信并咨文一件,奉到七月廿六日寄谕一道。拟覆奏稿。又致复铭将军书,上合肥师相书。接赵印潭信,即复。

初七日,雨。复辛芝书、汪葆田书、华帽山书、何芝生书。铜井来晤。

初八日,晴。复李平甫、张季文书、薛虹如书,致屠时斋书,复姜东生书。

初九日,致沈吉田书,复杨实斋书。午后,至西门外查看铁练。上母亲稟函,复大兄书,复三弟书。寄家书铜井来。

初十日,致铭将军书,复吴香畹书,托寄南信,复曾宫保书。

十一日,复冯伯申书。铜井来晤。接铭将军信。

十二日,致张香涛书,致陈寿卿前辈书,致徐东甫书,复铭将军书,致顾康民书。

十三日,赴巴彦通相度营盘地基,酉刻归。

十四日,再赴巴彦通,亲督量丈各哨营房基址,酉刻归。

十五日,招铜井、风占来寓便酌。申刻,润生都护招饮,薄暮回寓,铜井来夜话。

十六日,接铭将军书。铜井来晤,复铭将军书,复刘晴岚、余恂卿书,复玉昆圃都护书。

十七日,致德凤占翼长处,祝其母夫人寿。午后,约润生都护同至西门外江边丈量堤岸,铜井同往,酉刻归。风占招饮,接铭将军书。

十八日,复铭将军书。

十九日,复铭将军书。

二十日,移住巴彦哈达绥字中营内。四更时递到夹板批回原折一件系廿七

日所发。接喜桂亭书,接合肥师相书。

二十一日,长润生都护来晤。

二十二日,致铭将军书。督饬弁勇在山顶起筑炮台一座。是日筑四尺高。铜井来晤。

二十三日,督饬弁勇挖濠。大风竟日。

二十四日,复合肥师相书。

二十五日,接戴孝侯信,接吴江相国书。

二十六日,复孝侯信,致铭将军书。

二十七日

二十八日,复沈经笙太夫子书。

二十九日

九月初一日,接铭将军书,即复。进城祝长润生都护夫人寿。申刻回营,大风雨雷。

初二日

初三日,复铭将军书。

初四日,复郑玉轩书,上母亲稟函,致大兄、三弟书。

初五日,复吴广庵书,作吴平斋封君七十寿序。致顾康民书。寄家信。

初六日,致长润生都护书,起咨稿二、札稿二。

初七日,复江佩之书,复华帽山书。

初八日,稽核营中一切帐目。

初九日,复高云帆书,上吴江相国书。

初十日,长润生都护来晤,接铭将军书、张孝达书。

十一日,复张孝达书。

十二日,复铭将军书。

十三日,上高阳尚书、嘉定侍郎书,致关玉轩、顾康民书。

十四日,拟安抚赫哲奏稿并章程八条。

十五日,戴孝侯来,同往东崖相度营基。

十六日,将营中一切事宜交戴孝侯接管。午后与孝侯同舟回城。是日睥民由南路查勘荒地回,春海绘图呈阅,知翁倭肯河南百余里外可放之荒不少,大半皆膏腴也。接铭将军书。

十七日,长润生都护招饮。席散启程渡江,润生都护及睥民、孝侯送至江干,是晚宿妙噶山站。

十八日,行六十里,宿鄂勒尔图国木索站。复铭将军书,致戴孝侯书。

十九日,行四十五里至乌那琿,尖。又四十五至崇固古尔库站,宿。

二十日,行四十里至垒凌河,尖。又二十里至富托拉琿,宿。接孝侯书。即复。

二十一日,行三十里,尖。饭后过浓浓河,又四十里至佛斯享站。接总署公函。即复。是夜大雪。

二十二日,行二十里渡江而南,在摆渡河尖。行五十里至叩乞河,宿。

二十三日,四鼓开车,行三十里,黎明至色勒佛特库站,俗名夹板站尖。又行六十里至苇子沟。宿。

二十四日晨,过黄山嘴子至满家店四十五里,尖。午后,至斐克图站二十五里,茶尖。又行二十五里于洼浑河,宿。

二十五日,五鼓开车,行三十五里渡阿什河,又五里至阿勒楚喀城。晤富春轩都护。致冯伯申书,致郑玉轩、顾康民书。

二十六日,行五里过白城子,即金之故都也。土人往掘地得古泉钱及银器物。又十五里至萨库里站。尖。又六十里至拉林城,宿。

二十七日,二十里至多欢站,茶尖。又五里渡拉林河,尖,俗名牛头山,又四十里至大岭。宿。

二十八日

二十九日,行里至法特哈门,尖。又□里至舒兰站。宿。

三十日,三鼓开车,渡舒兰河,行五十里至乌拉城。尖。又四十里至旧站,茶尖。雨。又三十里至吉林省城。

十月初一日,清理各项帐目,午后至将军府。

初二日,拟三姓放荒奏稿,拟改安抚赫哲章程。

初三日,拟添练各军营制奏稿。

初四日,拟三姓请拨随缺地亩片稿。午后,至将军府商改各奏稿。

初五日,拟三姓水关请设税局奏稿。

初六日,复戴孝侯信。

初七日,复长润生都护信。喜贵亭参赞到吉,与将军都统同诣万寿宫,跪请圣安。午后,玉昆圃都护来,同至喜贵亭处。睥民自三姓归,夜谭良久而去。

初八日,拟覆奏松花江水路情形奏稿。午后至将军府,喜贵亭参赞来晤。

初九日,因三姓转运军火船支在伯都讷阻冻不能前进,邀凤占、森堂同至将军府,与晴岚、恂卿商议雇车转运之法。因一时焦急,不免动火矣。午后至喜贵亭处。

选自李澍田主编《东疆史略》,吉林文史出版社(1990)